

## Širawt ta n karadat iktab Yaxya

### *Šihulawen*

<sup>1</sup> Awa nak amyar a din-ihulan əməri-nin Gayəs arex əs tidət.

<sup>2</sup> Əməri-nin əsidaranay-ak təttəyt day anamod kul, d assahat ən təxəssa-nak zun ta təge day əzəgzan-nak.

<sup>3</sup> Əknêx təfalawist wəllen y assa wa di-d-əgan mədrayan-nana day əzəgzan, əmalan-i ənəfilal wa du-təga tidət day təməddurt-nak d əzəluləx wa day-as təge.

<sup>4</sup> Wər t-illa a di-igân əsəffəliwəs ewadan wa di-iga ad aslay as bararan-in əlkâman i tidət.

### *Ənəmännak d əməzrəy*

<sup>5</sup> Əməri-nin tətamazala s alyadala day arat kul wa tətəgga i mədrayan-nana day əzəgzan, wəllen win dak-əmmosnen inaftaxan.

<sup>6</sup> Əntanay dak-əggəyatnen dat Əlkənisat fəl tara ta kay-təhat. Ad tagax arat olağan as dasan-təsamataga əşikəl-nasan s əmmək wa igrazan i Məşşina.

<sup>7</sup> Fəlas wər imos əşikəl-nasan ar igi ən salan n Əlməsix, amaran wər əgmayan wala day aytedan win wər nəssen Məşşina.

<sup>8</sup> Day adi nakkanay a iwar ad nədhəl aytedan ən šilat ən win di fəl a dər-san nənəməşxəl day tarrayt ta n tidət.

<sup>9</sup> Kala a din-əktabax arat ən širawt gəzzulat y Əlkənisat mišan Dəyodrefəs irân a dasan-azzâr day arat kul, wər iqbel a danax-in-igmâdan.

<sup>10</sup> Adi da a fəlas as din-osex a dawan-agax isalan n aratan win immozal, əmosnen arak awalan win sər-nax itaggu. Amaran wər das-igda awen xas, fəlas tugəyt a iga s ad issəgən i mədrayan-nana day əzəgzan əmosnen iməşşukal, igdal dəx y aytedan a tan-səmməguren, istaq-qan day Əlkənisat.

<sup>11</sup> Əməri-nin tələl awa olağan, wərgəx awa labasan. Awedan wa itaggan a olağan ənta a irtayan əd Məşşina, wa itaggan awa labasan wər issen Məşşina.

<sup>12</sup> Day batu ta n Demetrəyəs aytedan kul əgân fall-as təgəyya tolağat, amaran tidət tas ilkam, iman-net as fall-as təgəyyat. Nakkanay dəx nəga fall-as təgəyya tolağat, amaran təssânağ as təgəyya ta-nana ənta tidət.

### *Şihulawen šin əlkamnen*

<sup>13</sup> Əllan-tu aratan aggotnen as arex a dak-kan-in-annağ mišan s a wər nəmos akatab ən širawt əs taddawat,

<sup>14</sup> fəlas əknêx mərda n a kay-ənəya tarmad fəl a dak-kan-anna s əmi d əmi.

<sup>15</sup> Əgmâya day Məşşina, a fall-ak d-izazzabben alxer. Əhulan-kay-in midawan-nana. Təhulağ-in imidawan-nana, əkkulluk n iyyan təmalax-as.

**Ḑlinjil ɔn Ḑaysa Ḑlməsix Itawann-as dex  
Arkawal wa Aynayan  
Tamajaq, Tawallammat: Ḑlinjil ɔn Ḑaysa Ḑlməsix  
Itawann-as dex Arkawal wa Aynayan New Testament  
Le Nouveau Testament en tamajaq tawallammat,  
écriture latine**

copyright © 2015 Wycliffe Bible Translators, Inc.

Language: Tamajaq, Tawallammat

Contributor: SIM International

All rights reserved.

2020-12-01

---

PDF generated using Haiola and XeLaTeX on 18 Apr 2025 from source  
files dated 29 Jan 2022

3aaeb7b2-4a3b-51fe-8c2d-ed8c05d4be0f